

then mit theilet. Welcher vnterrichtet vnd lehret/welchen er will/vnd bringet ihn durch seine Gnade vnd Barmherzigkeit auff den Weg der Gerechtigkeit. Dann er hat seine Botten abgefertiget zu den Finsternüssen/vnd die Bahne eben gemacht / vnd die so sich mit Fleiß zu ihm halten/ mit seiner Gnade erfüllet.

Lieber Bruder / du solst wissen / daß dieses vnser Magisterium von dem geheymen Steine / vnd das Ehrwürdige Werck/ ein Geheimnuß der grössten Geheimnissen Gottes ist/ welches er auch vor seinem Volcke verborgē hat / vnd es keinem einigē offenbaren wollen / als nur alleine denjenigen / welche es vmb ih/als die lieben Gehorsame Söhne verdienet/ vnd seine grosse Güte erkandt haben. Dann wer ein Geheimnuß Gottes begeret / dem ist dieses Geheimnuß vnser Magisterij nöthiger/als ein anders. Vnd die Weisen Philosophen/welche solchs erlanget/haben davon etwas verhälet / vnd dessen nur einen Theil entdecket: Vnd in dem habe ich alle vnser Weisen Vorfahren mit ihren Ehrwürdigen Schrifften vnd Büchern Einstimmig befunden. Darumb solstu wissen / daß mein eigener Discipul vnd Schüler Musa, welcher mir lieber ist/dann alle die andern / in denselbigen ihren Büchern gar fleißig studieret / vnd an dem Werck des Magisterij laboriret vnd gearbei-

Musa heisset der Discipul.

X ij tet